



DISSERTATIO DE PRÆFECTIS AULÆ, ET MILITIÆ REGUM HEBRÆORUM.

Cum Hebræorum mores & consuetudines adeo sint à nostris moribus distans, & Judæorum historia adeo parca sit, cum de pluribus ejus gentis Regibus agitur; ideo operæ pretium nos facturos censemus, si curas omnes nostras intendamus, ut munera omnia, titulos, & privilegia Præfectorum in Aula, & exercitu Hebræorum exponenda aggrediamur.

Plerumque filii Regum secunda erat à Patre in Regno potestas; hinc filios David primos fuisse legimus ad manus Regis (a); & alibi (b): Filii David Sacerdotes erant, nempe à Rege secundi. Regi Ochozia affidebant quadraginta Principes fratrum ipsius filii, qui Principatum in Juda atque summa apud Regem munera gerebant (c). Ad quem verò Regni hæreditas spectabat, illi potior erat supra ceteros fratres dignitas; nec raro post Salomonem Reges Juda, & Israel filium suum Regni futurum successorem in societatem imperii superflites adhuc adsciscabant. Quod frequentius usurpatum, deinde in morem, legemque transtulit. Neque apud Hebræos tantum, sed etiam apud Persas obtinuisse lex videtur, ut Principes ad bellum extra Regni fines processuri (d), successorem suum designarent. Quo verò illi hæredes Regni futuri procederent apparatus, ex historia Absalomi, & Adonia satis intelligimus; nec enim illi deerant corporis custodes, non currus, non viri qui illos præcederent (e).

Regiorum puerorum custodes viri probatæ sapientiæ, & gravitatis eligebantur, quemadmodum ex viris à Davide selectis intelligimus (f): Jonathan patruus David consiliarius, vir prudens, & literatus; ipse, & Jabel filius Hachamoni, erant cum filiis Regis.

De nutriciis Regiæ familiæ sermo est in Scriptura, cum de filiis Ahab apud Optimates Samariæ educatis agitur (g). Rex Roboam educandos filios suos in amplissimas Urbes Juda, & Benjamin miserat (h), quibus deinde jam adultis & regias opes, & non imparis nobilitatis uxores paravit; eâ faciliè cautione, ne quid dissidii inter filios diversarum conjugum oriretur, occurrens.

Spectatissimum & princeps Aulae munus gerebat Regiæ domus Oeconomus, quem

ego designari credo illis Scripturæ verbis: Secundus à Rege (i). Tu regnabis, ait Jonathas ad David, super Israel, & ego ero tibi secundus; sed Saul pater meus scit hoc (k). Eandem dignitatem Joseph sub Pharaone obtinebat (l); eandem Aman (m) primum, deinde (n) Mardocheus (o) sub Assuero Rege Persarum; & Elchana sub Achaz (p). Huic similes respondebat in Aula Constantinopolitana Præpositus magni palatii, & veterum Francorum Regum Major domus. Appellabantur etiam viri amplissimi fideles, & Regum intimi; ita Moyses Fidelis erat in domo Dei (q); & vir super universam familiam constitutus, Fidelis & prudens à Domino designatur (r). Id munus gerebat Eliezer in domo Abraham (s); & Zabadias filius Ismael constitutus legitur à Davide super ea opera, quæ ad Regis officium pertinent (t). Susceptor tamen, Oeconomus alium fuisse à Præfectis, qui res externas curabant, de quibus infra. Porro hujus dignitatis, de qua in præsentiarum, insignia fuisse videntur clavis super humeros gestata, magnifica quædam Zona, vestisque, & titulus Patris domus Juda, & locus distinctus in primis (u).

Scribæ munus inter Aulae primora sine controversia reponendum, quantum quid illud potissimum esset, vix definire possumus. Sub Davide eâ dignitate auctus legitur Josaphat filius Ahilul (x), quam etiam sub Salomone gerebat (y). Sub Ezechia Scribæ munereungebatur Joabe (z); & sub Josia Joha filius Joachaz (a). Eorum potissimum munus videtur, ut in publicis tabulis redigerent, redactisque custodirent Historias, & Ephemerides Regum Judæorum; ex quibus derivatos credimus Commentarios illos, toties in Scriptura sub nomine Verba dierum laudatos. Eos viros Scriptura appellat Masechir, ac si diceretur: Qui in memoriam revocat, seu qui monumenta Reipublicæ servat.

Illud impræsentiarum addendum, eos, qui Scribas Veterum Hebræorum Cancellariis nostrorum Regum compararunt, nunquam mihi persuasisse. Memorantur enim apud Veteres Præfectorum aliqui, quorum munus multò sanè melius exprimitur nomine Masechir, seu revocantis in mentem, quam nomine Cancellarii. Erant ad latera Veterum Heroum admonitores sui, seu viri amplissimi, quos patris loco obser-

- a 1. Par. 18. 17. b ibid. 18. c 2. Par. 22. 8. d Herod. l. 1. & 46. e 2. Reg. 15. 2. & 3. Reg. 1. 5. f 1. Par. 27. 32. g 4. Reg. 10. 1. h 2. Par. 11. 23. i 2. Par. 28. 7. k 1. Reg. 14. 17. l Genes. 41. 42. m Esth. 13. 3. 6. & 15. 2. n Esth. 3. 1. 2. & 9. 4. o Quem Principem esse palatii & plurimum posse noverant. p 2. Par. 28. 7. q Num. 12. 7. r Matth. 24. 45. s Genes. 24. 2. t 2. Par. 19. 11. u Vide Isai. 22. 21. 22. x 2. Reg. 8. 16. y 3. Reg. 4. 3. z 4. Reg. 18. 18. a 2. Par. 34. 8.

- b Ptolem. Hebræol. 1. 1. c Vide Xenoph. l. 8. Cyrop. Aristid. Orat. Paneg. Cyzic. d Diodor. Sicul. l. 1. p. 44. seu 63. e Hassopherim. f Judic. 5. 14. g Vide, si placeat, notas Constant. Imper. in cap. 10. Bertram. de Rep. Hebr. h Jerem. 36. 12.

vabant, eorumque consiliis ducebantur. Ita Ulyssis monitor aderat Mysiscus Cephalonicus (b), Achilli Noemon, Patroclo Ecedorus, Hectori Dares, Protefilao Dardanus, & Antilocho Chalcoon ejus armiger. Hisce, quantum conjicio, respondebant apud Persas viri illi, quos Regis oculos & aures appellabant (c), quibus nihil inauditum, & inexploratum, ut de omnibus Regem facerent certiore. Ptolemæo Philopatori, quantum ex 3. Macc. 5. intelligimus, suus erat Monitor, singulis diebus Regem quid facto opus esset instruens. Reges Ægypti ita describit Diodorus Siculus, quasi in media Sapientissimorum coronâ affiderent, qui, ne aliquid contra leges molirentur, autoritate suâ prohibebant. Cum mane è lecto viri illi surgerent, nihil habebant antiquius, quam ut statim literas undique se ad delatas legerent (d). Erant igitur Masechir apud Reges Juda iidem planè viri, quantum conjecturâ assequimur, ac Oculi apud Reges Persarum, Monitores apud Veteres Heroas, & Viri à secretis apud Reges Ægypti.

Viri Regi à Secretis plerumque in Scriptura Scribis juncti memorantur (e). De munere Scribarum, sive virorum à Secretis fufius in librum Judicum (f) disputavimus. Triâ illorum genera distinguuntur: alii Tabelliones erant, publica monumenta, & privatas Scripturas in tabulas referentes. Alii verò scriptis excipiebant, simulque exponebant Sacros Libros; ut proinde tanquam Doctores Judæorum haberentur. Tertium Scribarum genus referebant illi, qui à secretis erant Regum, quorum est impræsentiarum mentio. Regis edicta, & diplomata scriptis excipiebant; censum servabant, quæ copiarum, quæ Urbium, sicut etiam proventuum, sumptuumque rationem. Eorum aequè munus in Aula & in exercitu necessarium (g), ex quo de amplitudine illius Magistratus, argumentum capere licet. Suae illi sedes in Aula destinatae erant, viro à Secretis Regis proximè, apud quos summi totius Reipublicæ & militiæ Præfecti convenisse videntur (h). De Præfecto super bellatores viros sermo est 4. Reg. 25. 19. cujus erat munus exercendi milites in arma, seu copias in bellum educendi, vel saltem copiarum omnium regionis censum servandi. Rationem omnem apud illos turrium, & arcium Regis servari Isai. 33. 18. insinuat. Ubi est Regis verba ponderans (Hebr. ponderans, scilicet argentum, & census) doctus parvulorum? (Hebr. numerans turres) Apertius adhuc de illo legitur 1. Mac. 5. 42. Judas Præfectos armorum mandatis oneravit, ut secus torrentem manentes, neminem ex militibus ultra aquas relinquerent, sed omnes ad transitum cogerent. Porro viri illi amplissima erant & spectata Reipublicæ portio, summam, si aliâ unquam, autoritatem solutâ jam captivitate obtinentes. Ita sub Juda Macchabæo omnes simul Alcimum, & Bacchidem convenisse, ut populi nomine agerent, legitur 1. Mac. 7. 12.

Paria in Aula Regum Persarum observamus. Cum Xerxes exercitum suum lu-

strasset, singulas variarum gentium, quibus constabat, copias oculis inspecturus, consensu curru per singulas turmas discurrerebat, cujus essent regionis gentisque sciscitatus; quid singula respondissent, Regis Scribis scripto interim redigentibus (k). De Scribis Assueri ejus edicta in Tabulas referentibus, sermo est Esth. 3. 12. & 8. 9.

Amicus Regis peculiaris dignitatis titulus non erat, sed fortunæ, cujus beneficio nunquam in Aula defuerunt, quibus Regius favor vestificaretur. Ex alto licet Reges Orientis subjectos sibi populos despicerent, quamvis torvo dominorum potius supercilio, quam leni patris oculo illos intuerentur, superbas tamen rigidasque mentes blanda semper amoris voluptas edomuit; qui, si fortè ad eos, quorum amore tenebantur, sese demittere recusassent, eos tamen congestis honoribus, dignitatibus, & opibus, ad se quodammodò elevare conati sunt. Memoratur in Gen. 26. 26. Ochozath amicus Abimelechi Regis Geraræ; de Chufai amico David legitur 2. Reg. 15. 37. & 16. 16. De Zabud filio Nathan Sacerdote seu Principe, & amico Regis Salomonis, 3. Reg. 4. 5. In Vulgata 3. Efd. 3. 12. & 1. Efd. 7. 14. septem illi viri amplissimi, qui Regis lateri semper assisteabant, amicorum Regis titulo designantur. Aman ad summos honores, favore Regis vestificante, evedus, novo titulo pater Regis appellabatur [1].

Alia dignitas in Scriptura memoratur eo titulo: Secundus à Rege. Hanc obtinebat Elchanaan sub Achaz Rege Juda (m); hanc Joseph sub Pharaone Rege Ægypti (n); Aman sub Assuero Rege Persarum (o). Jonathas ad Davidem loquutus dicebat: Tu regnabis super Israel, & ego ero tibi secundus (p). Post dejectum Aman, eius dignitatem in Aula Assueri Mardocheus obtinuit (q). Sed quænam hujus dignitatis privilegia? Vix illa certò definire possumus; amplissima tamen fuisse oportet. Assidebat Secundus à Rege in loco post Regem honoratissimo (r), autoritatemque suam, quâ latè patebat Regis ditio, parum infra Regem, & super omnes Regios Profectos obtinebat. Quin etiam cum Reges Orientis intra privatos palatii sui cancellos sese facile continerent, totamque Regni administrationem per Præfectos exercerent; ideo non invita credimus, Regis Secundum eodem planè apud illos in gerendis rebus loco fuisse, ac apud nos est primus Regni Minister, ad quem omnia Regni negotia deferuntur. Nihil equè favorem & autoritatem horum Præfectorum magis demonstrat, quam quæ de Holoferne, secundo à Nabuchodonosore Rege Ninive, legitur (s). Viro enim illi ad Regium cultum, & magnificentiam nihil deerat. Zerfes, si Regnum sibi concederetur, Secundi dignitatem fratri suo Ariameni pollicitus est (t).

Erant etiam in Aula Regum Juda, & Israel Sacerdotes, & Propheta; qui specialij titulo Sacerdotes & Propheta Regis ap-

- k Herod. l. 7. c. 100. l Esth. 16. 11. m 2. Par. 28. 7. n Genes. 41. 42. o Esth. 13. 3. 6. & 15. 2. p 1. Reg. 23. 17. q Esth. 10. 3. r 3. Efd. 3. 7. Joseph. Antiqui. l. 11. c. 4. s Judith. 2. 4. in Græc. t Plutarchus.



appellabantur; sive quoddam illi constitutam habent in Aula sedem, ut lateri Principis perpetuo adessent, sive offerendis sacrificiis & precibus pro voluntate Regis occuparentur, simulque iussu Regis Dominum consulerent. Gad munus obtinebat

que rerum genera, quarum singulae regiones feraces erant, tributis loco recipere. Sed his omnibus abrogatis, Darius Hytaspis pecuniam indixit (k). David, Salomon, & caeteri post ipsum Reges, tributis nomine aurum, argentum, greges, fructus pro singulorum facultatibus recipiebant. His colligendis sui erant Praefecti vestigialium constituti (l): Aduram, munus illud gerebat sub Davide (m), Adoniram sub Salomone (n), à quo etiam eodem munere colligendi tributis ex Ephraim, & Manasse (o) Jeroboamus adductus est; nisi eo loci tributis nomine non vestigial, sed potius personale singulorum obsequium & labor designetur. Eam igitur occasionem nactus Jeroboam, cum abalienatos à Salomone Israelitarum animos nosset, quod scilicet gravissimo tributum jugo à Salomone antea oppressis nihil mitiorem habiturum Roboamum ejus filium sperarent, illos ad defectionem sollicitans, decem Tribus in suas partes adduxit, à quibus in Regem salutatus est. Seditioem compescenda Roboamus misit Aduram vestigialium Praefectum, quem seditioem, ne auditum quidem, lapidibus consecerunt (p). Olim apud Hebraeos tributis nomen munerum dabatur; subjectique Regi populi munera ad illum defererebant; & nostram etiam aetate apud Perlas sunt Praefecti constituti, qui munerum Dominis suis collatorum rationes servant (q).

u 2. Reg. 24. 11.

x 1. Par. 21. 12. & 25. 2.

y 1. Par. 21. 12. & 25. 2.

z 2. Reg. 20. 26. Vide nost. Comment. ibid.

a 1. Par. 26. 5. b 3. Reg. 4. 5.

c 3. Reg. 15. 12.

d 3. Reg. 12. 6. 10.

e 2. Par. 22. 4.

f Esth. 1. 19. & Dan. 6. 17.

g Vide 1. Par. 27. 25. 26. & seq.

h 1. Par. 27. 25. 1. Sam. 22. 35.

i Homer. Iliad. D.

k Herodot. lib. 3. cap. 89.

l Hal. l. 1. mas. m 2. Reg. 10. 23. n 3. Reg. 4. 6. o 3. Reg. 11. 28.

p 3. Reg. 12. 18.

q Chardin. Voyage en Perse pag. 275. 276.

r 3. Reg. 4. 7.

s Ibid. ver. 22.

t 3. Reg. 10. 5.

u 2. Par. 9. 20.

x Villalpan. & Calvisius.

y 4. Reg. 18. 19.

z Herodot. lib. 7. 17. Athen. 1. 10. c. 10. a Athen. lib. 6. cap. 14.

vasa conviviis Regis erant aurea. In mensa Regum Juda & Israel appositae credimus dapes omnes, quae deinde inter Praefectos Aulae distribuere, quorum adeo immensa erat multitudo, ut si fides sit Scripturis alioquin exactissimis (x), ad 48600 sive 50000 in Aula Salomonis numerarentur. Jezabel praeter Aulae Praefectos, suis sumptibus, ac Regiae mensae dapibus aiebat 850. Pseudo-Prophetas Baal, & Astartes [y]. Reges Perfarum singulis diebus cibum suppeditabant 15000. viris in Aula obsequiis manentibus (z); quibus ex appositis in Regia mensa cibis ministrabatur (a).

Eunuchi igitur Ostiarii, sive liminaria, aduam custodientes juxta Hebraeos, excubabant potissimum praeforibus conclavis sive cubicali Regii, uti de Ostiariis Aod Regis Moab legitur Judic. 3. 24. Interdum virorum loco foeminae substitutebantur. Ita ficarii captata occasione absentiae ostiariae emundando frumento occupatae, in conclave Isobeth filii Saul ingressi virum transoderunt (e). Eunuchos praeforibus Holofernis excubantes describit Judith. 10. 18. in Greco & 12. 6. & 14. 9. sicut & alios antefores Assucri legas Esther 2. 21. & 12. 1. Apud Herodotum lib. 3. cap. 72. 78. consilium initum à septem conjuratis, ut clam in palatium irrepentes, necem Mago Persidis Tyranno inferrent, describitur, ubi non obscure milites praeforibus cum armis stantes ab ostiariis vel Eunuchis, seu, quemadmodum ille appellat, Eunuchis respondentibus distinguuntur. Nabuzardan Dux copiarum Nabuchodonosoris tres Ostiarios Sedeciae ad eundem Regem in Reblat verfantem destinavit (f). Cur Eunuchis custodiam suam committeret Cyrus, plura in causa fuisse Xenophon Cyrop. lib. 7. commemorat; illud potissimum, quod scilicet à mulierum & liberorum, quin etiam saepe à parentum, furtivo enim connubio plures nati erant, curà liberi, toto Dominos suos animi affectu prosequuntur, quos unicos fortunarum suarum auctores cognoscerent. Adde insuper humili loco natis superbos & ambitiosos spiritus defuisse. Tandem in servili corpore ingenium manere animam exemplo animalium, quibus vigor etiam abscissis idem manet, Cyrus docebat. Milites corporis, seu Regis, & Regiarum Aedum custodes, magis ingenium majorisque momenti munus gerebant; quemadmodum & de iis frequentior in Scriptura mentio.

c 2. Reg. 4. 5. 6. Vulg. & Graec.

f 4. Reg. 25. 18.

g 1. Reg. 26. 15. h 2. Reg. 23. 23.

i 2. Reg. 20. 23.

k 1. Par. 27. 1. 2. &c.